



Nagrada EU za istraživačko novinarstvo u BiH

Natječaj za dodjelu Nagrade Europske unije za istraživačko novinarstvo u BiH

Bosna i Hercegovina, 2016. (za postignuća u 2015.)

Upute za predaju prijava/nominacija

Nacionalni koordinator: Mediacentar Sarajevo

Datum objave natječaja: 11. mart 2016. godine

Rok za primanje prijava/nominacija: 1. april 2016. godine, 24:00

Ovaj dokument sačinjen je uz finansijsku podršku Europske unije. Za njegov sadržaj odgovorni su Mirovni institut i Mediacentar Sarajevo, te se nipošto ne može smatrati da isti odražava stavove Europske unije.

Sadržaj

1. Kontekst
2. Cilj
3. Nagradni fond
4. Pravila natječaja
 - 4.1 Kakve priče dolaze u obzir?
 - 4.2 Ko može sudjelovati na natječaju?
5. Kako podnijeti prijavu/nominaciju?
 - 5.1 Prijavni obrasci
 - 5.2 Kako podnijeti prijavu/nominaciju?
 - 5.3 Rok za predaju prijava
6. Dodatni podaci
7. Evaluacija i odabir prijava/nominacija
8. Obavještavanje kandidata/nominatora o odluci žirija
9. Aneksi – prijavni obrasci (priloženi kao odvojene datoteke)

1. Kontekst

Nagradu Europske unije za istraživačko novinarstvo u zemljama Zapadnog Balkana i Turskoj utemeljila je Glavna uprava za proširenje Europske komisije, nakon objavljivanja Strategije širenja Europske Unije u kojoj se prepoznaje izražena potreba da se osigura sloboda izražavanja u medijima i podrži istraživačko novinarstvo u nadgledanju reformskih procesa i održavanju povijesnog zamaha u kretanju ka pridruživanju Europskoj uniji.

Nagrada Europske unije za istraživačko novinarstvo dodjeljuje se u zemljama Zapadnog Balkana (Albaniji, Bosni i Hercegovini, Crnoj Gori, Kosovu*, Makedoniji, Srbiji) i Turskoj, u periodu od tri godine: 2015. (dodjeljuje se za radove i postignuća na polju istraživačkog novinarstva ostvarena u 2014.), 2016. (za postignuća ostvarena u 2015.) i 2017. (za postignuća ostvarena u 2016. godini).

U obzir dolaze istraživačke priče koje predstavljaju doprinos transparentnosti i izvještavanju o društvenim pitanjima vezanim za zloupotrebu položaja i ovlasti i kršenje osnovnih prava, korupciju i organizirani kriminal u BiH, a koja ne bi privukla pažnju javnosti da priče nisu objavljene.

Nagradni fond za svih sedam zemalja-korisnica za sve tri godine ukupno iznosi 210.000 EUR. Godišnji nagradni fond za svaku zemlju iznosi 10.000 EUR; svake godine u svakoj od zemalja bit će nagrađeno 1-3 novinara; pojedinačne nagrade iznosit će 3.000 - 5.000 EUR.

Nagradom upravlja regionalno partnerstvo organizacija civilnog društva, kojim koordinira Mirovni institut iz Ljubljane, koji je za tu ulogu odabrala Europska komisija:

- Albanski medijski institut (AMI), Tirana, Albanija
- Fondacija za razvoj medija i civilnog društvo Mediacentar Sarajevo (FMC), Sarajevo, Bosna i Hercegovina
- Kosovsko vijeće za štampu (KPC), Priština, Kosovo
- Makedonski institut za medije (MIM), Skoplje, Makedonija
- Crnogorski institut za medije (MMI), Podgorica, Crna Gora
- Novosadska škola novinarstva (NSSJ), Novi Sad, Srbija
- Platform24 (P24), Istanbul, Turska

Pridruženi partner: The Guardian Foundation, London, Ujedinjeno Kraljevstvo.

Europska komisija će nadgledati i odobravati sve važne korake u proceduri dodjele nagrade.

2. Cilj

Nagrada Europske unije za istraživačko novinarstvo ima za cilj slaviti i promovirati izuzetna postignuća novinara-istraživača, te povećati vidljivost kvalitetnog istraživačkog novinarstva u zemljama Zapadnog Balkana i Turske. Nagrada također ima za cilj promoviranje nove generacije istraživačkih novinara.

3. Nagradni fond

Nagradni fond u Bosni i Hercegovini za 2016. godinu, (za postignuća ostvarena u 2015. godini) iznosi **10.000 EUR**.

Bit će nagrađena **do tri** najbolje ocijenjena rada.

Na osnovu odluke Europske Komisije, u natječaj se uvodi nova potkategorija za najbolju priču mladog istraživačkog novinara. Mladi istraživački novinari također dolaze u obzir za glavnu nagradu.

Iznos pojedinačnih nagrada kreće se u rasponu od **3.000** do **5.000 EUR**. Nagrada za potkategoriju za najbolju priču mladog istraživačkog novinara iznosi 3.000 EUR.

U iznimnim slučajevima žiri može odlučiti da ne dodijeli sve nagrade ako kvalitet prijavljenih radova ne bude na zadovoljavajućem nivou. Novac koji ne bude dodijeljen u tekućoj godini bit će prebačen u fond za narednu godinu.

Navedene vrijednosti nagrada predstavljaju bruto iznose od kojih će se odbiti iznosi predviđeni važećim zakonskim propisima.

4. Pravila natječaja

4.1 Kakve priče dolaze u obzir?

Mediacentar Sarajevo kao član regionalnog partnerstva organizacija civilnog društva koje upravlja Nagradom traži nominacije za:

- Istraživačke priče objavljene od 1. januara do 31. decembra 2015. godine u kojima se izvještava o društvenim pitanjima vezanim za zloupotrebu položaja i ovlasti i kršenje osnovnih prava, korupciju i organizirani kriminal u BiH, a koja ne bi zadobila pažnju javnosti da priče nisu objavljene.

Moguće je nominirati istraživačke priče objavljene ili emitirane u medijima bilo koje vrste u Bosni i Hercegovini: u novinama/magazinima, na radiju, televiziji, internet portalima, ili u više medija različitog tipa.

4.2 Ko može sudjelovati na natječaju?

Nominirani mogu biti novinari ili grupe novinara za istraživačke priče objavljene od 1. januara do 31. decembra 2015. godine u kojima se izvještava o društvenim pitanjima vezanim za zloupotrebu položaja i ovlasti i kršenje osnovnih prava, korupciju i organizirani kriminal u BiH, a koja ne bi zadobila pažnju javnosti da priče nisu objavljene.

Natječaj je otvoren za profesionalne novinare koji imaju bilo kakvo zaposlenje ili angažman u medijima (stalni radni odnos, honorarni rad, samozaposlenje, i sl.).

Istraživački novinari rođeni 1980. godine ili kasnije, te grupe novinara u kojima je glavni autor i najmanje polovina članova rođena 1980. ili kasnije, također dolaze u obzir za nagradu u potkategoriji za najbolju priču mladog istraživačkog novinara.

Moguće je nominirati istraživačke priče objavljene ili emitirane u medijima u Bosni i Hercegovini (a namijenjene publici u Bosni i Hercegovini) na zvaničnom jeziku/jezicima, manjinskom jeziku/jezicima ili međunarodnim jezicima.

Uz nominacije istraživačkih priča objavljenih u medijima u Bosni i Hercegovini (namijenjenih publici u Bosni i Hercegovini) na jezicima koji nisu zvanični u Bosni i Hercegovini (manjinski jezik ili jezik neke etničke grupe, međunarodni jezik) moraju biti priloženi prijevodi na jedan od zvaničnih jezika.

Prijave/nominacije mogu podnositi:

- 1) Novinari ili grupe novinara kandidati za nagradu (samonominacija)
- 2) Fizička lica ili organizacije (npr. medijske udruge, sindikati, univerziteti, itd.) pod uvjetom da pribave pristanak osoba koje nominiraju.

Samonominacije su naročito dobrodošle.

Novinar ili grupa novinara može prijaviti **jednu ili više priča**. Prijave se podnose odvojeno.

Kandidat za nagradu i nominator prihvataju uvjete i pravila ovog natječaja.

Kandidati moraju biti spremni potvrditi da su autori nominiranih radova, te voljni da se pojave u javnosti.

Kandidat za nagradu ne može biti osoba na koju se odnose odredbe iz Odjeljka 2.3.3 Praktičnog vodiča za procedure ugovaranja Europske službe za vanjsko djelovanje (dostupne na internet adresi: <http://ec.europa.eu/europeaid/prag/document.do?nodeNumber=2.3.3>)

5. Kako podnijeti prijavu/nominaciju?

5.1 Prijavni obrasci

Prijave/nominacije moraju biti pripremljene na prijavnim obrascima i u skladu s uputama. Obrasci moraju biti popunjeni na bosanskom/hrvatskom/srpskom jeziku.

Potpuna prijava/nominacija uključuje:

1. Obrazac A: predstavljanje nominirane priče i novinara

1.1 Prilog uz obrazac A: istraživačka priča.

U slučaju da je istraživačka priča objavljena ili emitirana na jeziku koji nije bosanski/hrvatski/srpski, mora biti priložen prijevod.

2. Obrazac B: Izjava novinara i nominatora

5.2 Kako podnijeti prijavu/nominaciju?

Prijava/nominacija mora biti podnesena **elektronskim putem** na sljedeću **e-mail adresu**: EUAward@media.ba, **predmet**: EU nagrada BiH/2016 - >ime nominatora<

Molimo da se pridržavate sljedećih smjernica:

- Obrasci A i B moraju biti poslani u PDF formatu. Potpisi moraju biti jasno vidljivi.
- Istraživačka priča priložena uz obrazac A mora biti podnesena na sljedeći način:

- a) *Štampa*: priložite priču u PDF formatu ili link za web stranicu na kojoj se priča može pročitati.
- b) TV/radio: priložite link za web stranicu na kojoj se priča može pogledati/poslušati, ili je pošaljite u video/audio formatu.
- c) Internet mediji: priložite link za web stranicu na kojoj žiri može ocijeniti vašu priču ili je pošaljite u prilogu u nekom drugom odgovarajućem formatu.

5.3 Rok za predaju prijava

Rok za predaju prijava **elektronskom poštom: 1. april 2016. godine, 24:00h, na EUaward@media.ba.**

6. Dodatne informacije

Eventualna pitanja šalžite na: EUaward@media.ba

Odgovori na pitanja zaprimljena najkasnije 5 dana prije isteka roka za predaju prijava/nominacija bit će objavljeni na stranici www.media.ba.

7. Evaluacija i odabir prijava/nominacija

Prijave koje ispunjavaju administrativne uvjete i uvjete za sudjelovanje razmotrit će žiri koji će se voditi kriterijima za odabir i nagrađivanje:

Kriteriji	Maksimalni broj bodova
1. Relevantnost istraživačke priče <ul style="list-style-type: none"> – Koliko su za društvo/stanovništvo relevantna pitanja/slučajevi zloupotrebe položaja i ovlasti i kršenja temeljnih prava, korupcije i organiziranog kriminala koji su razotkriveni u istraživačkoj priči? – U kojoj mjeri je priča otkrila činjenice od velikog značaja i javnog interesa, a koje su od javnosti prikrivali važni i moćni igrači? 	20
2. Kvalitet istraživačke priče <ul style="list-style-type: none"> – Da li je hipoteza čvrsta i koliko dobro je/su ključni problem(i) elaboriran(i)? – Koliko je istraživanje sveobuhvatno/dubinski/temeljito/pažljivo provedeno s puno pažnje posvećene detaljima, i predstavljeno u priči? Koliko dobro priča pokriva razne kutove? U kojoj mjeri su podaci provjereni? – Da li je priča dobro napisana? Da li je stil dobar? 	40
3. Nepristrasnost <ul style="list-style-type: none"> – Jesu li činjenice dobro predstavljene i je li istraživačka priča dobro 	20

<p>napisana, u smislu profesionalnih i etičkih standarda, naročito poštenja i nepristranosti?</p> <ul style="list-style-type: none"> – Je li priča napisana pravično, tako da pokriva sve zainteresirane strane, da ne promovira niti jednu stranu i ne omogućuje niti jednoj strani da njen interes prevlada? – Je li kontekst priče objašnjen a zaključci izvučeni na fokusiran i koherentan način, uz uzimanje u obzir samo potvrđenih činjenica i interesa relevantnih za temu priče? 	
<p>3. Originalnost</p> <ul style="list-style-type: none"> – U kojoj mjeri se priča bavi pitanjima na koja pažnja javnosti nije bila skretana, ili je bila skretana u ograničenoj mjeri? – Da li je autor koristio neki nov pristup u prezentiranju priče? 	10
<p>4. Profesionalna posvećenost i integritet novinara</p> <ul style="list-style-type: none"> – Da li je autor pokazao profesionalnu posvećenost i integritet, naročito u dugoročnom smislu? – Kako se to ogleda u njegovim/njenim ostalim radnim postignućima? 	10
UKUPNO	100

Dodatni kriteriji koji se primjenjuju u slučaju da dva najbolje plasirana rada (ili više njih) osvoje isti broj bodova:

Kriteriji	Maksimalni broj bodova
<p>5. Utjecaj</p> <ul style="list-style-type: none"> – Da li su priču prenijeli drugi mediji, i da li je ona utjecala na javno mnijenje? – Da li je priča izazvala reakciju odgovornih lica i/ili pravosudnih organa? 	10

U slučaju zaprimanja velikog broja prijava, žiri će napraviti preliminarni izbor na osnovu relevantnosti i kvalitete prijava te sačiniti listu. Prijave koje uđu u uži izbor bit će u potpunosti ocijenjene na osnovu gore navedenih kriterija.

8. Obavještanje kandidata/nominatora o odluci žirija

Kandidati/nominatori bit će pismeno obaviješteni o rezultatima natječaja.

9. Aneksi:

- Prijavni obrasci: Obrazac A i Obrazac B (*priloženi kao odvojene datoteke*).